

HOOFSTUK 7: VERKENNERS

1. INLEIDING

Verkenners is jeuglede van *Die Voortrekkers* soos in hoofstuk drie (3) van die Reglemente omskryf.

2. ALGEMEEN

2.1 Spanstelsel

2.1.1 *Die Voortrekkers* gebruik die spanstelsel vir die uitvoering van sy werksaamhede. Dit beteken dat 'n aantal jeuglede verkieslik van dieselfde geslag (in dieselfde skoolgraad) in 'n span ingedeel word wat saam met 'n volwassene, verkieslik van dieselfde geslag (as 'n offisier) die voorgeskrewe werk deur gereelde (verkieslik weeklikse) spanbyeenkomste afhandel. Die stelsel het die voordeel dat die Verkenners in kleiner groepverband die geleentheid kry om mekaar te vorm en om met vrymoedigheid deel te neem.

2.1.2 Indien 'n jeuglid buite die onmiddellike grense van 'n Voortrekkerkommando met sy Voortrekkerwerk wil voortgaan moet dit geskied ooreenkomstig die bepalings in hoofstuk negentien (19) van die Reglemente.

2.2 Voorgeskrewe werk vir Verkenners

2.2.1 Graadwielwerk

Dit is werk wat jaarliks hanteer moet word om die Verkenner te lei dat hy aan die einde van sy Verkennerloopbaan grootliks voldoen aan die doelstellings wat deur *Die Voortrekkers* gestel word.

2.2.2 Spesialisasies

Dit is werk wat bo en behalwe en aanvullend tot die graadwielwerk gedoen kan word en bied 'n mate van spesialisering in die onderwerp, maar steeds binne die raamwerk van die doelstellings van *Die Voortrekkers*. Die Verkenner kies spesialisasies wat binne sy belangstellingsveld val maar moet ook die vereistes vir Presidentsverkenner toekenning in Graad twaalf (12) in gedagte hou in hierdie keuse. Die spesialisasies kan óf individueel óf in groepsverband afgehandel word.

2.3 Literatuur

2.3.1 Verkennerlewe

- a) Die Verkennerlewe is die handleiding wat al die Verkennerwerk behandel wat oor 'n tydperk van vier jaar afgehandel moet word.
- b) Dit bevat ook wenke wat die spanoffisier nodig het om die verskillende onderwerpe sinvol aan te bied.
- c) Dit bevat die werk wat elke Verkenner moet deurwerk vir die suksesvolle voltooiing van die loopbaanplan ter voorbereiding vir die proses om die Presidentsverkenner in Graad twaalf (12) te kan verwerf.

2.3.3 Spesialisasies vir Verkenners

Dit bevat die vereistes vir elke spesialisasie, asook riglyne en hulpmiddels wat vir die aanbieding daarvan gebruik kan word. Die Spesialisasies is so saamgestel dat dit maklik gebruik kan word vir uitbreiding met die aanbod van werk uit die Verkennerlewe.

2.4 Assessering

2.4.1 Elke kommandobestuur of betrokke bestuursliggaam bepaal die manier waarop die Verkenner se graadwielwerk en spesialisasies geassesseer word aan die hand van die riglyne soos in hoofstuk tien (10), artikel 4, van die Reglemente omskryf.

2.4.2 Dit is belangrik dat elke Voortrekkerkommando verseker dat al die Verkenners in die Voortrekkerkommando Die Verkennerlewe elke jaar pligsgetrou deurwerk in die voltooiing van die Verkennerloopbaanplan ter voorbereiding vir die Graad twaalf (12) proses om die toekenning van Presidentsverkenner te kan verwerf.

2.4.3 Dit is verpligtend dat alle kommando's of los-veldkornetskappe toesien dat alle Verkennerspanne aan die einde van die betrokke jaar ge-evalueer moet word ten einde

te bepaal of die betrokke jaar se graadwiel toegeken kan word.

2.5 Inlywing

2.5.1 'n Verkenner kan aan die begin van enige jaar as lid van *Die Voortrekkers* aansluit of ook gedurende die jaar.

2.5.2 Die werkstuk oor Inlywing moet met elke nuwe Verkenner deurgewerk word voordat hy ingelyf kan word.

2.6 Erkenning dat 'n kenteken vir 'n spesialisasie verwerf is

Die kommandobestuur of ander betrokke bestuursliggaam reik aan elke Verkenner 'n sertifikaat en kenteken uit nadat hy aan die vereistes vir die betrokke spesialisasie voldoen het. Die kenteken word op die voortrekkerdrag aangebring soos in hoofstuk ses-en-twintig (26) van die Reglemente bepaal.

3. VERKENNERWERK

3.1 Verdeling van graadwielwerk

3.1.1 Verkennerlewe (tot 2015) is saamgestel onder die volgende afdelings:

- a) Inleiding
- b) Voortrekkerwees
- c) Afrikanerskap
- d) Burgerskap
- e) Christenskap

3.1.2 Daar is verskeie hoofstukke onder elke afdeling wat 'n spesifieke aspek van Die Verkennerlewe volledig behandel.

3.2 Spesialisasies

'n Verkenner kan op enige stadium in sy/haar loopbaan aan spesialisasies werk en afhandel aan die hand van die voorskrifte vir die betrokke spesialisasie.

3.3 Spesiale toekennings

3.3.1 In Graad twaalf (12) kan 'n Verkenner wat aan die voorgeskrewe minimum vereistes voldoen ook in aanmerking kom vir die Presidentsverkenner-toekenning.

3.3.2 Die Verkenner moet deur die betrokke kommandobestuur aanbeveel en ingeskryf word onderworpe aan al die bepalings soos in die Presidentsverkenner Prospektus omskryf.

3.3.3 Die Presidentsverkenner Prospektus word jaarliks hersien en sal volledig voor 30 April van die Verkenner se Graad elf (11) jaar gepubliseer wees.

3.3.4 Die Presidentsverkenner toekenning is 'n Nasionale toekenning wat gemaak word nadat die Verkenner die Graad tien (10) tot twaalf (12) Verkennerloopbaan voltooi het en suksesvol aan alle aktiwiteite wat in die Presidentsverkenner Prospektus omskryf word, deelgeneem het.